

此為取媚於士林之謀麟壽陷於其術而歸附之時人有以猫首座之說譏之者至是果合焉其說曰昔有老猫爪牙皆病搏噬之才已盡無計捕鼠翻出耳內無毛之處冒之於頭而行呼唱曰我則今已發慈悲之心削髮為僧安得與大象共做精進之功乎群鼠然猶畏服莫敢出矣及窺見髡頭之狀大信其言而出應推尊老猫為猫首座首座居首鼠輩以大小之次而立為法席之會繞旋之際細鼠之行當首座之口前行及佛後障蔽之處輒獲吞之以是役象日縮或疑首座之所為而信惑者至於叢怒而言其不然及其考視首座遺矢中有鼠毛然後知其陷於老猫術中云為此說者非以士林比鼠但取其意而譏之若以安老比猫則不是無意古亦有李猫焉○戊子傳于政院曰成均館大射禮後百官及儒生七八千供饋但大射禮供饋百官而又供饋儒生則日短矣恐未及為也百官則其日於成均館饋之儒生則翌日於闕庭饋之賀禮則大射禮日為之○已丑太白晝見夜異方有氣如火○庚寅 御朝講終贊官許沆曰兵權不可云公室也生殺予奪誰非人主之權而兵權為尤重三代之時無主兵之官姬周則以親戚之人任以兵事漢則以勳舊之人任兵權矣至於後漢兵權在於中常侍而中